


太平御覽

十五



内閣文庫	
番號	漢 1842
冊數	240 (15)
函號	14 1




Kodak Gray Scale


A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







太平御覽卷第十一

天部十一

雨下

祈雨

霽

雨下

河圖帝道紀曰雨者天地之施也


遁甲開山圖曰霍山南岳有雲師雨虎

宋氏解曰雲師

如泰山陸寸有毛似禿雨虎如蚕長七八寸似蛭雲雨之特在石山肉甘可熟而食

又曰鄭有不毛山上有無為之君分布雲雨於九州之內

萊氏曰不毛山不生樹木古無為之君常巡其山市灑雨雲九州之內均平



河圖秘微曰君急恚怒無雲而雨

黃帝素問曰清陽為天濁陽為地地氣上為雲天氣下雨為雨
出地氣出天

又曰天氣下而為雨

太公金匱曰武王師到牧野陣未畢而暴風疾雨電雷幽冥前
後不見太公曰善雷電者是吾軍動應天也

太公伏符陰謀曰紂常以六月獵於西土西土之老少相與謀
曰君王逆人此其命固不壽也後數日而暴風大雨發屋枝木
漂殺人民六畜明年諸候謀合四海岳起

又曰武王岳入商都前歌後舞甲子進岳乙丑而雨

太公岳法曰將有三禮武王曰敢問三禮太公曰將冬日不服
裝夏日不操扇天雨不張幔蓋各將禮

太公對敵權變逆順法曰夫軍出逢天無雲而雨此天泣也軍
後不還

魏武帝兵書按要曰大軍將行雨濡衣冠是謂洒兵其師有慶
又曰三軍將行其旗墊若雨是謂天露三軍失徒將陣雨甚是
謂浴屍先陣者敗亡

又曰太將始行雨而薄不濡衣冠是謂天泣其將大凶其卒敗

雜兵書曰諸雲氣諸變暈日月蝕風撒之雲振之雨壓之皆解
又曰大人之兵如虎如狼如雨如雲如雷如震振振瞑天
下
進驚

又曰軍如營風雨從後來沾衣裳大吉

又曰有大雲雨軍內滂沱甚者軍罷無功

桓寬監鐵論曰孔子大聖也嘗居上位相魯三月不令而行不
禁而止沛若時雨之灌万物莫不具起也

王充論衡曰道至天者翔風起甘雨降霽而陰曠者謂之甘雨

非謂雨水味甘也

又曰太平之時五日一風十日一雨

又曰周公時雨不破塊風不鳴條旬而一雨雨必以夜丘陵高
下皆熟

神異經曰西海上有人焉乘白馬朱鬣白衣去冠從十二子馳
馬西海上如飛名曰河伯使者其所至之國雨水滂沱

樂聲儀曰焦明至為雨備

焦明水鳥

楚辭曰雷填填兮雨冥冥

潘尼苦雨賦曰瞻中塘之浩汗聽長雷之泠泠成公緩陰霖賦

曰沉寗生龜中庭運舟

傳咸愁霖賦曰舉足沒寧市道無行車蘭桂泥賤朽腐染粟貴明珠

張孟陽雜詩曰雲根臨八極雨足灑四溟霖溼過二旬散漫亞九齡塔下伏泉涌堂上水衣生尺燼重尋桂紅粒桂瑤瓊

又詩曰騰雲似涌烟密雨如散絲

劉楨詩曰和風從東來玄雲起西山夜中發此氣明且飛甘泉應瓊與韋証書夫以原憲懸磬之居曰而直皇天無以之雨室字漸作漏堂館洽而為泥

祈雨

禮記月令曰孟夏大雩帝命有司禱祀山川古之鄉士有益於

人者以祈穀實

雩者祭天祈雨之名大雩為用

盛樂也

漢書曰董仲舒為江都相理國以春秋災異之變推陰陽所錯行故求雨閉諸陽縱諸陰其止雨閉北門

范曄後漢書曰諒輔仕郡為五官掾時夏大旱太守自出禱山川連日而無所降輔乃自暴廳中慷慨元曰輔為股肱不能進諫納忠和調陰陽至令天地否隔萬物焦枯咎盡在輔今敢自

所請若至曰中不雨乞以身塞無狀於是積薪聚艾茅以自環
構火將自焚未中時天雲晦合須臾澍雨

謝承後漢書曰戴封字平中遷西華令其年大旱禱請無獲乃
積薪坐其上以自焚火起而大雨遠邇歎服遷中山相

又曰奚延轉議郎徐州遭旱延使持節到東海請雨豐澤應澍
雨與京師同日俱霽還拜五官中郎將

又曰周暢性仁慈為河南尹夏旱久禱無應因收葬洛城傍容
死骸骨萬餘人應時澍雨歲乃豐稔

又曰章和元年有詔以鄭弘太尉為時早朝廷百僚皆暴請雨
夏炎熱小雨群官即還舍弘曰不旋大雨注稼穡遂豐

又曰汝南周獲善占天文為郡門下掾鮑昱為汝南太守時郡
境天旱昱自往問何以致雨獲曰急罷三部督郵明府當自北
出到四十里亭雨可致也昱從之果得大雨每行縣輒賦其閭
東觀漢記曰曹褒為何內太守時旱春至六月無雨殺責百姓
頗流離棄到省吏職退去貪殘屢得澍雨其秋大熟百姓給足
流冗皆還

又曰和熹鄧后永加二年三月京師至旱五月朔太后幸雒陽
省獄舉寃未還宮澍雨大降

司馬彪續漢書曰永元二年張奮伐劉方為司空時歲灾旱禱
雨無應乃表即時引見口陳時政之宜明日和帝召太尉司徒
幸洛陽即大雨三日

蜀本記秦王誅蜀侯惲後迎葬咸陽天雨三月不通因葬成都
故蜀人求雨祠蜀侯必雨

王隱晉書曰東晉太康中郡大旱苗稼敗哲乃命邑人躬共請
雨三日中雨水三日衆人以其有術數精誠於神明百姓歡喜
為之歌曰東先生通神明請天三日甘雨零我黍以萌我稷以
生可以疇之東先生

高閭燕志曰太平十五年自春不雨至於五月有司奏右部王
荀妻產妖傍人莫覺俄而失之乃暴荀妻於社大雨普洽

魚豢典畧曰舊制求雨太常禱天地宗廟社稷山川已賽如其
常祭牢礼四月立夏旱乃求雨立秋雖旱不禱求雨到七月旱
賽之秋冬春三時不求雨

崔鴻春秋前燕錄曰建熙七年五月慕容暉下書朕以寡德蒞
政多違亢陽三時光陰錯繆農植之辰而零雨道降其令有司
徹樂太官以菜食常供祭奠既而澍雨大降

又前涼錄曰張植為西城校尉與奮威將軍牛霸率騎救張冲

六月至于流沙無水士卒渴甚植乃剪髮肉袒徒跣升壇慟泣
請雨俄而起雲西北雨水成川植殺所乘馬祭天而去
又前秦錄曰沙公西城沙門也有秘術每旱符堅常使呪龍龍
便下鉢中天輒大雨

後魏書曰孝文太和二年京師旱祈天於北苑親自禮馬減膳
正澍避雨大洽三年帝祈雨於北苑開陽門是日澍雨
益部其舊傳曰趙瑤為閬中令遭旱請雨於靈星應時天雨
葛仙公傳曰吳主僧與仙公坐於樹上望見道間人民請雨士
人累時不仙公曰雨可得耳即書符着社廟中日午大雨尺餘

水

長沙耆舊傳曰祝良為洛陽令時亢旱天子祈雨不得良暴身
階庭告誠引罪紫雲沓起甘雨仍降

佛圖澄傳曰石虎時自正月至六月不雨澄詣滏口祠稽首暴
露即有二白龍降於祠下於是雨遍數千里

干寶搜神記曰湯既克夏大旱七年洛州竭湯乃以身禱於桑
林剪其髮自以為犧牲祈福於

上帝於是大雨忽至洽于四海

又曰湘東新平縣有一元元中有黑土歲旱人則壅水於此穴

穴淹則立大雨

宋永初山川記曰鄱陽長壽山山形似馬白雲出於鞍中不崇朝而雨

盛於之荆州記曰佷山縣有一山獨立峻絕西北有石穴以獨行百步許二大石其間相去一丈許俗名其一為陽石一為陰石水旱為災鞭陽石則雨鞭陰石則晴

又曰湘東有雨母山山有祠壇每祈禱無不降澤以是名之又曰來陽縣有雨瀨此縣時旱百姓共壅塞之則甘雨普降若一鄉獨壅雨亦偏應隨方所其信若符刻

順徵廣州記曰鬱林郡山東南有一池池邊有一石牛人祀祀之若旱百姓殺牛祈雨一牛血和泥泥石牛背祀畢則天大雨抱朴子曰使者甘宗所奏西域事云方事能神祝者臨泉禹步吹氣龍龍即浮出長十數丈便吹龍輒緒至長數寸乃掇取着壺中壺中或有四五龍以少水養之間有慶便賣龍旱往賣一龍直數十斤金發壺出一龍着潭中復往禹步吹之長數十丈須臾而雲雨四集

又曰歷陽有彭祖山室謂雨必得

晏子春秋曰齊景公時旱欲祠靈山晏子曰山以石為身草木

為髮天苟不雨髮焦身熱獨雨乎祠之何益公曰祠河伯可乎
曰河伯以水為國魚鼈為民久旱國將亡民將滅獨不欲雨乎
君避殿曝露其索雨乎公出野曝露天果大雨

淮南子曰土龍致雨許慎注曰湯遭旱作土龍以象雲從雲也
又曰董仲舒請雨秋用桐木魚

山海經曰東荒北隅有山名土丘應龍慶南極殺蚩尤與夸父
不得復上故下數旱旱而為應龍之將乃得大雨今之土龍本此也

遁甲開山圖曰絳北有陽石山有神龍池黃帝時遣雲陽先養
於此帝王歷代養龍之處曰有水旱不時即祀池請雨

爾雅孫炎注曰攝木生江上有寄枝高三四丈生毛一名楓子
天旱以泥塗即之雨

傳成自叙曰太始九年自春不雨涉夏節聖皇營慮分使祈禱
余以太子洗馬庶使徒泣事三朝雨大降退作喜雨賦

霽

說文曰霽雨止也霽音妻雨霽也霽火節雨止雲罷貌

魏畧五行志曰延康元年大霖雨五十日魏有天下乃霽將受
魏祚之應也

晉中興徵祥記曰咸和四年陰霖五十日餘蘇峻滅乃霽

長沙耆舊傳曰文度字仲儒為郡功曹吏時霖雨廢人業太守
憂悒沾度補戶曹度奉教齊戒在社三日夜夢白頭公謂曰爾
來何遲翌日度具白所夢於太守曰昔禹夢青繡衣男子文稱
蒼水使者禹知水脉當若祿此夢將其此也明日果大霽
扶南日南傳曰金陳國入四月便雨六月乃止少有晴日六月
不雨常晴歲歲如此

太平御覽卷第十一

太平御覽卷第十二

天部十二

雪 霰 露

釋名曰雪緩也水下遇寒凝緩緩然下也

詩曰北風其涼雨雪其滂

又曰上天同雲雨雪雰雰

雰雰雪兒也豐年之於必有積雪

又曰以天子之命命將師歌來徼以遣之昔我往矣楊柳依依
今我來思雨雪霏霏

又曰蟬蛸握闥麻衣如雪鄭玄注曰喻曹昭公君臣朝夕變易

衣服麻衣深衣也

雪

禮曰孟春行冬令則水潦為散雪霜大摯

傳曰隱公九年三月庚辰大雪凡平地三月今正月也大雪失時也

又曰楚子次子乾谿雨雪王皮冠秦復陶秦所遺羽衣也翠被豹舄執

鞭以出

易通卦驗曰乾得坎之蹇則當夏雨雪

詩推度容曰逆天地絕人倫當夏雨雪

大戴禮曰天地積陰溫則為雨寒則為雪

春秋元命苞曰陰陽凝雨而為雪

史記曰東廓先生久待詔日車貧困飢寒衣弊履不

完行雪中履有上無下足盡踐地道中人笑之

漢書曰漢女者居東海養姑姑女總之姑姑經太守訢而殺之

五月下雪

又曰雪武使於單于幽武置大窖中絕不與飲食天雨雪

武臥齧雪與氊毛并咽之數日不死匈奴因以

為神

又曰壹廣鞮單于自將領萬騎繫鳥會孫天大雪一日深丈餘

人民畜凍死

續漢書曰赤眉入安定北地逢大雪坑谷皆滿多凍死晉書曰王恭衣鶴氅雪中行時人謂之神仙中人

又曰大傅謝安雪驟降公欣然曰自雪紛紛何所似兄子容曰兒散塩空中差可擬兄女道韞曰未若柳絮因風起

又曰東瀛公騰

公姓司馬各騰

伐石勒於常山也嘗時天大雪有一處方數丈猷液恠而握之得一玉馬高尺許以為晉家之瑞

晉朝雜事曰太康元年河陰雨赤雪三頃

宋書曰大明中元日雪花降殿庭右將軍謝莊下殿雪焦衣白

上以為嘉瑞郡臣皆作雪花詩

崔鴻北京錄曰先酒泉南有銅駝出大雨雪沮渠蒙遜遣工取之得銅數萬斤

宋齊語曰孫康家貧暎雪讀書

唐書曰郭元振為安西大都護時西突厥首領烏質勒部落強盛疑塞通和元振就其牙帳計會軍事時天大雪元振立於帳前與烏質勒言議須臾雪深風凍元振未嘗移足烏質勒年老不勝寒苦會罷而死

錄異傳曰漢時大雪積地丈餘洛陽令自出案行見民家除皆

雪出有乞食者至袁安門無有行路謂安已死令人除雪入戶見安僵問不出安何曰大雪人皆餓宜千人令以為賢以為孝

廉音朝詩外傳曰凡草木花多五出雪花獨六出雪花曰霰音

皇甫謐高士傳曰世莫之焦先所出也火燒其廬先數千里冬

雪大至先祖臥不移人以為死就視如故

穆天子傳曰日中大雪北風雨雪有凍死人天子作黃竹詩三

章以哀民我徂黃竹負閔寒閔閉山音秘

又曰雨雪天子獨子飭山之西河

漢武內傳曰西王母曰仙之上藥有玄霜降雪

列子傳曰羊角哀左伯雍相與為死友聞楚王欲往仕之道過

雪雨不俱全乃併衣糧與角哀入樹而死

陸機別傳曰誅日平地尺雪時人以為寬

曹攄別傳曰攄為洛陽令子時大雪而宮門夜忽失行馬攄曰

此他竊理可保明必是門士以療寒驗之而具服王子年拾遺

記曰穆王東至大攄音奇

之谷西王母來進廉丘巖州緝雪嶧州去玉門三十萬里地多

寒雪霜露著不右之上皆融而甘可以為菓也

又曰周靈王越昆明之臺召誅方士有二人乘飛遊之輦上席
酣醕天赤旱地裂其一人先唱為能霜雪王乃請焉於是引氣
一吸則雲起雪飛

又曰廣遠之國去燕七萬里在扶桑東其地寒盛夏之日冰厚
至文帝雨青雪冰冰霜之色皆如紺碧

沙州記曰自龍涸至大浸川一千九百里盡夜蕭蕭常有風寒
七月雨便是雪遙望西山皓然皆白

西京雜記曰董仲舒曰太平之世雪不封條凌緝毒害而已

莊子藐姑射之山有神人居焉容膚若冰雪綽約若處子曾子

曰陰氣勝則凝為雪

孟子曰滕文公曰卒葬有日矣天大雨雪至牛日郡臣請弛期
太子不許惠文公諫曰昔季葬過山之尾壘水壘其墓見棺前
和文王曰先君欲見羣臣百姓矣乃出為帳三日而後葬今太
子亦宜曰先王歆少留而無社稷故使甚弛期而更為曰比又
曰義也太子曰善

人曰齊宣王見孟子於雪宮王曰賢者亦有此樂乎
孟子曰為人上而不與人同樂者非也

晏子曰春秋曰景公時雨雪三日公弊狐白之裘也

晏子公曰恠哉雨三日不寒晏子曰古之賢君飽而知人飢寒而
知人寒公曰善乃脫裘發粟以與飢寒者

秦子曰今歆馳光曰下顛白雪中不可得也

孫子曰昔衛君重裘累茵而坐見路有負薪而哭之者問何故
也對曰雪下衣薄是此哭之於是衛君懼見如顏色曰為君而
不知民執以我為君於是開府金出倉粟以賑貧

淮南子曰歆滅跡而雪中

金匱曰武王伐紂都洛邑陰寒雨雪十餘日深丈餘甲子平旦
不知何五大夫乘馬車從兩騎止門外王使太師尚父謝五大

夫賓幸臨之矢不先問方修法服太師尚父使人持一器粥出
進五車兩騎曰先王大夫在內方對天子寒故進熱粥却寒粥
皆卑使者具以告尚父尚父問武王曰客可見矣五車兩騎四
海之神與河伯兩師甘王曰不知有名乎曰南海之神與河伯兩師

海神曰祝融東海曰勾芒北海曰玄冥西海曰禺收河伯兩師
請使謁者於殿下門內引祝融五神皆驚相視而歎

語林曰王子猷居山陰大雪夜開室命酌四望皎然因詠招隱
詩忽憶戴逵時在剡乘興棹舟經宿方至既造門而返或問之
對曰乘興而來興盡而返何必見戴安道

汜勝之書取曰雪汁漬原蠶屎五六日待釋手揆之和穀種之
能御旱故雪為五穀之精也

山海經曰由首之山小咸之山空桑之山並冬夏有雪

論衡曰雲霧雨之微也夏則為露冬則為霜溫則為雨寒則為
霜雨露凍凝者其由地發不從天降

琴操曰曾子耕太山下雨雪不得歸思父母作梁山操

廣志曰雲南郡四五月猶積雪皓代郡以五月山

陰猶宿雪八月未復雪

宋玉對曰客有歌於郢中始曰下俚巴人國中蜀而和者數千

人其為陽春白雲國中蜀而和者不過數十人是其曲彌高而
和弭寡

宋謝連惠雪賦曰歲將暮時既昏寒風積愁雲繁梁王不悅遊
於兔園乃置酒一日酒合賓友召鄒生延枚叟相如末至居客
之右俄而微霰零密雪下王乃歌北風於衛詩詠南山於周雅
相如於是避席而起逡巡而揖曰臣聞雪宮建於東國雪山峙
於西域岐昌發詠於耒思姬滿申歌於黃竹曹風以麻衣比色
楚謠以函蘭儼曲盈尺則呈瑞於豐年義文則表沴於陰德其
為壯也散漫交錯氛氳蕭索藹藹浮浮變連翩飛灑徘徊委

積始緣薨而冒棟終開簾而入隙因方而為圭亦遇圓而成璧
駘隲達如蓮同編瞻山則千巖俱白於是臺如重壁則萬須瑤
庭引瑤列階林擬瓊樹皓鶴奪白鷗失索

楚辭九辯曰雪霰紛糅女救反

又曰霰雪紛其無良步雪霏霏而承宇步

司馬相如美人賦曰時既西夕玄陰晦冥涼風蕭然素雪飄零

伏糸之雪賦序曰結陰凝雪皎如帔素

謝靈運詩曰明月照積雪朔風勁且哀

樂府歌詩曰皓如山上雪皎如空閭月聞君有兩意故來相決

絕

庾肅之雪讚曰皓若天漢色踰玉漿

李顥悲四時曰雲黹徒敢反霽徒允反以時興雪聯翩而驟密枯林

敷如瓊翰空由郎若玉室

王韶之詠雪離合曰霰先焦兮雪霏霏散輝素兮被詹庭曲室

寒兮朔風厲兮川陸涸兮百籟鳴

霰

釋名曰霰星也冰雪相搏補各反如星散而

說文曰霰積雪也從雨散聲

詩曰如彼雨雪先焦維霰霰暴雪也箋雲雪自上過溫氣而持謂之霰

爾雅曰雨霰為消雪郭璞注云霰水雪雜下故為消雪

又曰雪雨雪相為霰

尚書洪範五行傳曰盛陰雨凝滯而冰寒陽氣薄又不相入則散而為霰故沸湯之在閉器而湛於寒泉則為冰及雪之為銷亦冰解而散此驗也

韓詩薛君注曰霰霰也

曾子曰陰之專氣為霰

露

釋名曰露慮也覆慮物也

許慎曰說文曰露潤澤也從雨露聲

詩曰厭接於沍行露豈不夙夜謂行多露

又曰簾葭倉倉白露為霜

又曰湛露天子燕誅侯也湛湛露斯匪陽不晞

又曰野有蔓草零露漙漙徒官兮

又曰野有蔓草零露漙漙如章

禮曰立秋後五日白露降

又曰季冬行秋令則白露早降

又曰天不愛其道故天降甘露

又曰春雨既滯君子履之必有怵惕之心焉如時見之感時念親也

又曰王所以為順而弗悖也天降甘露

易通卦驗曰立秋白露下

尚書中候曰堯時甘露降

詩含神霧曰陽氣終白露為霜

宋均白露行露也陽冬陰用事故曰白露凝為霜也

大戴禮曰露陰陽之氣也夫陰陽勝則凝為霜雪陽氣勝則散為雨露

礼斗威儀曰君治政則軒轅之精散為甘露

春秋繁露曰思及於物於人而甘露降

春秋序曰桀無道露冬下

又曰陰陽散為露

五經通義曰和氣津液凝為霜露從地出

吳越春秋曰子胥諫吳王王怒暮歸舉衣出宮宮中群臣皆曰

天無霖雨宮中無泥露相君舉衣行高何為君子胥曰吾以越

諫王王怒迷不昕吾言宮中生草棘霧露沾吾衣群臣聞之莫

不悲傷

漢書曰宣帝元康元年甘露降未央宮大赦天下

又曰平帝永平十七年自春迄夏多甘露降謁元陵太常丞上言陵樹葉上有甘露令百官採之

又曰成帝幸河東祠后土甘露降京師

又曰宣帝詔曰迺者鳳凰焦太山陳留甘露降未央宮宜赦天下

後漢書曰桓帝永康元年秋八月魏君言嘉禾生甘露降

范曄後漢書曰明帝永平十七年甘露降丁原陵謝

承後漢書曰吳郡沈豐為陵零太守至官一年甘露降膏潤草木

東觀漢記曰光武帝時甘露降四十五里

又曰明帝永平十七年夢見先帝光烈皇后夢中喜覺悲不能
昧明旦上陵其日甘露降於陵樹帝令百官採之帝伏御床流
涕也

魏志曰明帝鑄承露盤莖長一十二丈銅龍繞其根立於芳林
園甘露乃降

又曰明帝與東河王詔曰昔先帝時甘露屢降於仁壽殿前
芝生林園中自吾建承露盤已來甘露復降芳林園仁壽殿前
晉書曰皇甫謐幼時有甘露降其柳樹謐每以食之謂密也

晉中興書曰王者敬養耆老則甘露降於松柏尊賢容衆則竹
葉受之甘露者仁澤也其凝如脂其美如飴

宋書曰文帝嘉中甘露頻降伏如細雪

隋書曰李德饒趙群栢人人也性至孝丁父憂單綵徒跣後甘
露降其白鳩巢其廬

豫章耆舊傳曰太守陳番臨群二年甘露降

汝南先賢傳曰新蔡鄭敬都尉高懿厅前有槐樹有白露類甘
露懿問椽屬皆言是甘露敬曰明府德政未致甘但樹汁懿不
悅稱疾而去

洞冥記曰勒畢固人長三寸有翼善言語戲笑因名語國飲丹
露為漿丹露者日初出有露汁如末也

又曰東方朔遊吉雲之地漢武帝問朔曰何名為吉

雲曰其國倍常以雲氣占吉凶吉樂之事則滿室雲起五色照
著於草木樹皆成五色露露味甘帝曰吉雲五色露可得否
朔乃東走至夕而還尋玄黃青路盛之琉璃以器授帝帝遍賜
群臣得露嘗者老者皆少疾病皆愈

又曰元封二年敖過國獻能言龜一頭長一尺二寸東方朔曰
唯承樹露以飲之

王子年拾遺記曰崑崙山有甘露望之色如丹著木石則皎然如霜雪寶器承之如飴仁君聖德則下周處風土記曰白鶴怪警至八月露降流於草上滴滴有聲則鳴

述仙記曰八月一日作五月囊盛取百草頭露以之洗眼眼明也

老子曰天地相合以降甘露

莊子曰姑射之山有神人焉不食五穀吸風飲露鵠冠子曰聖

德上及太清下及太寧中及萬多則膏露

蘇子曰夫人一代若朝露之託桐葉耳其與幾何

呂氏春秋曰伊尹說湯曰水之美者有三危之露三危西極山名

和之美者揭穹之露其色紫

淮南子曰方諸取露於月高誘曰方諸陰燧也

東方朔神異徑曰西北海有人長二千里兩脚中間相去千里

腹圍一千六百里但天酒日飲五斗張華云天酒甘露也

又曰黃父以霧露為漿

古吏考曰太古之幼民吮露精食草木實

劉向說苑曰吳歆伐荆王令曰敢有諫者死舍人有小孺子者

欲諫懷彈於後園露濡其衣是三朝王子永何苦露濡衣如是

對曰園中有樹其瑞有蟬蟬高吾悲鳴飲風翕露不知塘螂在
其後曲跗方无歆取其蟬而塘螂又不知黃雀居其後延頸歆
啄之然黃雀又不知臣操蟬丸在其下臣阻捕其黃雀不覺露
隰衣此者為窺其利而不思後患王聞之逐不伐荆
又曰滕蛇遊出霧露千里不止

漢武帝故事曰帝作金莖擎玉杯以承雲表之露擬扣玉屑服
之以永仙

又曰作銅承露槃土有仙人掌以承露也

蔡邕月令章句曰露有陰液也釋為露凝為霜白虎通曰甘露
者美也降則物無不盛

又曰露者霜之始寒即變為霜

論衡曰甘露味如飴王者太平之應則降

地鏡圖曰視山川多露無霜其下有美玉

徐整長曆曰北斗當崑崙山氣運注天下春夏為露

崔豹古今注曰薤露喪歌也言人命如薤上露易晞滅也其一

章曰薤上露何易晞明朝更復落人死何時歸瑞應圖曰露色

濃甘者為之甘露王者施德惠則甘露降其草木

又曰甘露者美露也神靈之精仁瑞之澤其凝如脂其甘如飴

一名甘露一名天酒

又曰王者德至於天和氣感則甘露降於松柏

山海經曰仙丘降露人常飲之

又曰諸沃之野槎山之民甘露是飲不壽者八百歲

列星圖曰天乳一星在氏北主甘露占若明而潤則甘露降不

然則否也

楚辭曰朝飲木蘭之墜露夕採秋菊之落英

張衡奏事曰飛塵增山霧露增

曹植魏德論玄德洞幽飛化上蒸甘露以降露浮水凝靚陽弗

晞瓊爵是承獻之帝朝以明聖徵曹植承露盤銘曰夫形能

見者莫如高物不朽者莫如金氣之精者莫如露盛之安者莫

如盤乃詔鑄有司洞建承露盤于芳林園

東哲集曰薄水疑非宗廟之寶零露垂林非綴冕之飾張戴羽

扇賦濯以雲精拂以芝露

太平御覽卷第十二

太平御覽卷之十三

天部十三

雷 霹 靂 電

釋名曰雷者如轉物有所碾音郎雷之聲也

說文曰霆雷餘聲鈴鈴所以挺出萬物

易曰雷電之至豐君子以折獄致刑

又曰震為雷

又曰動萬物者莫疾乎雷

又曰鼓之雷霆

又曰洊慈見雷震君子以恐懼修省

又曰震來虩虩許逆

又曰雷出地奮豫先王以作樂崇德

又曰雷電筮盍先生以明罰勅法

又曰雲雷屯君子以徑論

又曰雷在地中復先王以至日閉關商旅不行后不省方

又曰天地解而雷雨作雷作雨而百菓草木皆甲拆又曰震驚

百里遠而懼迓也

又曰雷以動之

又曰雷雨之動滿盈

又曰雷風不相悖

又曰雷風相薄

又曰澤中有雷隨

書中納子大霖烈風雷雨弗迷

詩曰殷其雷在南山之陽

又曰虩虩其雷

禮曰仲春日夜分雷乃發聲先雷三日奮鐸以令兆

民曰雷將發聲有不戒其容止者生子不備必有凶災主家婦人有振

又曰君子若有疾風迅雷甚雨則必變雖夜必興衣服冠而

坐謂敬天之怒

又曰分秋之日雷乃發聲

傳曰藏冰以時則雷出不振粟冰不用則雷不發而震

穀梁傳曰陰陽相薄感而為雷激而為霆

爾雅曰疾雷為霆郭璞注曰疾雷謂雷音急激者

論語曰迅雷風烈必變

京房易傳曰雷當不雷陽德弱也

又曰五星占雷電殺人何雷天拒難拆衝之臣也君承節度即

雷以節暴人威福則雷電殺人

易妖占曰天冬雷地必震教令撓則冬雷民飢

書洪範曰雷於天地為長子以其首長萬物以其出入也雷地

八十三日而復入入則萬物入入地一百八十三日而復出出

則萬物亦出此其常徑也

又曰秦二世元年天無雲而雷雨陽也霄陽也有雲然後有雷

像君也故雲雷相託陰陽之合也今二世不恤人人臣叛之故

無雲而雷也

又曰凡大風雷雨為不敬也

又曰春後十日雷乃發聲

又曰正月雷微衝而雉雉

又曰天雷人君像也入能除害出能興害

尚書中候曰秦穆公出狩天震大雷下有火能為化白雀御舟
書集公車

大戴禮夏小正曰雷震雉鳴雉鼓其翼也正月必雷雷不必聞
雉必聞之

春秋元命包曰陰陽合為雷

春秋合誠圖曰軒轅星主雷雨之神

論語讖曰雷震百里声相附宋均注云雷動百故因以致國也
雷震諸候之致教所至相附也史記曰高祖母劉媪常息大澤
之被夢與神遇是時雷電晦冥太公往視見蛟龍於其上已而
有娠遂孕高祖漢書曰迅雷妖風恆雷變氣此皆陰陽之精本
地而上發於天

續漢書曰桓帝建和三年六月乙卯雷霆憲陵寢屋是時梁太
后所兄冀誅李固杜喬

晉書曰晉人王褒母生時畏雷褒母生時是雷褒至母終後天
雷輒遠遶墓曰褒在此褒在此

齊書曰永明八年六月十日晡時雷聲有黃光照地狀如金包
占曰人君有德或謂榮光

周裴汝南先賢傳曰蔡順母平生畏雷自忙後每有雷電順輒
環塚泣日順在此

韓詩外傳曰東海之上有勇士曰雷丘訴音係以勇游於天下過

神淵飲馬沉訴去朝服拔劍而入三日三夜殺二蛟一龍而去

雷神隨而擊之十日十夜眇其在左目

王歆孝子傳曰竺彌字道綸父生時畏雷每至大陰輒馳至墓
仗墳哭有白兔在其左右

搜人記曰義與人周永和出行因曰墓路旁小屋中有一女子
留宿一更後有吳何香女應諾官吳文推雷車女遂解周云有
官事須去俄而大雷既明周自翼其翅返尋唯見一新冢冢只
有馬跡

東方朔神翼記曰八方之荒有石鼓其徑千里腫之其青跡雷
也天以此為喜怒之威

盛弘荊州記曰朝陽縣樊重母為雷為母立石室以避之悉以
文石為階砌至今猶存

孟奧北征記曰凌雲臺南角一百步有白石室名避雷室又曰

臨賀有石方二丈石有磨刀斧跡春夏常明淨其迹甚所秋冬
則苔穢故為雷公磨石

莊子曰陰陽交爭為雷

文子曰夫目察秋毫之末耳不聞雷霆之聲耳謂金石之音目
不見太山之形小有所志必天有所志

曾子曰陰陽之氣俱則雷

淮南子曰陰陽相薄感而為雷

又曰陰不祥之木為雷霆所撲

又曰庶女叫天天雷電下擊景公臺殞文體傷拆海水大出

庶賤之女齊之少寡婦人也無子不嫁事故勤敬無男有女女利母財令
母嫁婦婦終不肯女殺母以誣寡婦不能自明寃結斗天天為作雷電下
擊景公之臺殞損之也
傷毀景公之休水為之溢

又曰雷霆之聲可以鍾鼓寫也風雨之變可以音律和也抱朴

子曰雷天之鼓也

鷓冠子曰昔者有道之君取政非取於耳目也夫耳之生聰目
之生明兩葉蔽日不見太山兩豆塞耳不聞雷霆孫子曰擊電
無停光疾雷無餘聲

河圖帝通記曰雷天地之鼓

河圖曰玉杵最晨鳴雷聲也

又曰黃帝以雷精超

六韜曰武王伐紂而甚雷疾武王之業雷震而死周公曰天不祐周矣太公曰君秉德而受之不可如何也

伏候古今注曰成帝建始四年無雲而風天雷如擊連古音可四五刻隆隆如車聲

山徑曰音余次之山有鬼名橐𦉑服之不畏雷音肥備三音

又曰飛魚如豚赤雲無羽食之辟兵不畏雷

師曠占曰春雷起其音恪恪霹靂者所謂椎雷早氣也其鳴依依音大霹靂者謂之雌雷水氣也

又曰春分有音如雷非雷音在地中其所住者丘起其上無雲而雷名曰天狗行不出三年其國亡

又曰初雷從金門上起上旬早上田熟一日歲中兵革起曰風倍通曰雷不蓋醬倍說令人腹中雷鳴

世說曰曹爽將誅夢二虎御雷公若二升椀枚着庭中華陽國志曰曹公從容謂先主曰天下英雄唯使君與操爾本初之徒不足數也先主方食失已著會雷大震先主曰聖人言迅雷風烈必變良有以也一震威乃可致也此公亦悔失言

酈炎對事曰或曰雷震驚百里何以之人炎曰以其數知之夫

陽動為九其數三十六陰靜為八其數三十二一陽動二陰故曰百里雷

雜兵書曰雷霆霹靂破中樹木屋舍者徒去吉也雷電夙所從來不可逆而相代冥慎之也

物理論曰積風雷

王充論衡曰子路感雷精而生尚剛好勇親涉衛難結纓而死孔子聞而獲醢每聞雷鳴乃心中惻恒亦復如之故後人忌馬以為常也

又曰盛夏之時雷電疾擊殺人謂之有陰過飲食不潔則天怒

采之隆降之聲天怒之音也此虛言也道士劉春楚王英使食

不潔春死必遇雷也建武四年六月下雷擊會稽鄞

魚中

縣羊

五頭羊有何陰過而雷之手倍以為天取龍殺人罰陰過以取吉凶不同非實道也

又曰圖畫之工圖之狀纍纍如連致形

又曰一人若有力士之容謂之雷公使之左手引連致右手推之世人信之莫不謂然始復原之虛妄之象也

霹靂

釋名曰霹靂拆也所擊輒破若攻戰也

說文曰震霹靂振物也

穀梁傳曰疾雷為雷霓謂急雷為霹靂

爾雅曰疾雷為霆蜺郭璞曰雷之急數者為霹靂

春秋擊雷曰下不從則金不從而秋多霹靂霹靂者金氣其音

商故應霹靂

五經通義曰震與霆霹靂也

晉安帝記曰義熙二年六月震太廟鴟尾徹壁石高有文字

晉朝雜事曰元康七年霹靂破城南高禰石禰中宮求象也賈

右將誅之應

曹嘉之晉記曰諸葛誕以氣邁稱常倚柱讀書霹靂震其柱誕

自若

列女後傳曰河南李叔卿為攻曹應與李廉同時應人害之使

婢宣言叔卿淫其寡妹同舉人詣尹以骨肉相好不合應孝廉

叔卿杜門自絕女妹傷破淫之名遂到府門日殺叔卿亦自絕

明已無憾也後三年霹靂害叔卿者以用其死死置叔卿冢前

其家叔而葬之秋又震發其冢玄中記曰玉門之西有一國國

中有山山上有人歲歲出其石晉子林石文秋輸廟中名曰霹靂

磳給霹靂從春雷出磳日減至秋而盡

搜神記曰扶風陽道和書用中霹靂擊之道和以鋤格折其左
眈遂落地不得去色如丹目如鏡毛角長三尺狀如六畜似獮
候搜人記曰吳興人章荀者五月中於田耕以蔽羅置狐裏晚
於狐中祠之見一大蛇偷其食食荀即以鈇音悲義之蛇便走去
荀乘舡遂之至一坂有穴蛇便入穴但聞號哭云人折傷某甲
或云當如何或云付雷公令霹靂殺奴須史雲雨冥合震電傷
荀荀於是跳梁大罵云天公我貧窮展力耕墾蛇床偷食我飯
食罪在蛇反來霹靂我是無知雷公若來今當以鈇斫汝服破
須史雲雨輒開乃更霹靂向穴中諸蛇死者數十

莊子曰陰陽錯行天地駭於是雷有霆

劉義慶世說曰夏候玄字太初當倚柱讀書時暴雨霹靂破所
依柱衣服焦然玄神色無變讀書如故

異苑曰佛虜凶雪暴忍常自然國名佛佛則是佛中之佛尋破
震而死既葬而後就冢中霹靂其樞引身出外題背四字表其
凶逆之國也

又曰滕放大元初夏枕文石枕臥忽暴雨震其枕枕四解傍
人莫不怖懼而放微竟有声不足為驚

又曰元嘉十九年京口霹靂殺人赤字題背

世說曰王丞相見郭景純君可試為作一卦卦成意惡音公有
震厄王問可有消伏理否郭曰公能命駕西出數里得一百樹
截短如公長置寢迟灾可消王悉以其語數日中果寢震栢樹
碎門内弟子皆稱慶

桓譚新論曰天下有鶴鳥群國皆食之三輔俗獨不敢取之或
雷霹靂起原夫天下獨坐彼而右此殺鳥適與雷遇耳

博物志曰凡真有狸牛出谿上或閉岸上家牛皆怖或拆捕即
霹靂號曰神牛

山海徑曰半石之山有草名曰嘉榮服之不畏霆

琴操曰楚高梁子出遊九臯之澤覽漸冰之臺張鼠置苦於荆
山臨曲池而漁而疾風貫須電雷電奄負天火四起霹靂下臻
玄鶴翔其前白虎吟其後乃援琴而歌歎作霹靂引
正論曰里語云州縣符如霹靂得詔書但挂壁

電

釋名曰雷弥也乍見則弥滅也

說文曰電陰陽激耀也從雨申声

易曰霍為電

又曰雷電皆至豐君子以折獄致刑

詩曰燁燁震電

傳曰隱九年三月癸酉大雨震電

易稽覽圖曰陰陽和合為電輝輝也其光長

春秋元命包曰陰陽敷為電

史記天官書曰電者陰陽之動也

帝王世記曰黃帝有熊氏母曰附寶有媯音喬氏之女也見大帝

電光繞北斗樞星照郊野感附寶而孕

漢書曰尋說王根曰竊見往者盛冬電潛龍為孽

晉書曰王戎幼而穎悟彩秀徹視日不眩裴楷目之日戎

眼爛爛如巖下電

神異傳曰東王公與玉女投壺誤而不接天為之笑開口流金
光電是也

漢武內傳曰西王母曰東方朔為太山仙官太仙使至方大助

三天司命胡但務山水遊戲壇弄雷電敷波揚風風雨失時

西京雜記曰董仲舒曰太平之世電不眴音券日宜示光暉而已

莊子曰陰陽伏於黃泉陽氣上通於天陰陽分爭故為電

文子曰腎為主鼻

曾子曰陰陽交則電

抱朴子曰良將如收電可見不可追立如丘山可擔不可動

淮南子曰電似為鞭電擊器也

物理論曰風清熱之氣散為電

楚辭曰凌驚為雷軼駭電

楊雄河東賦曰奮電鞭駮雷輜鳴洪鍾見五旗

張衡思玄賦曰凌驚雷之硯音磬慨兮弄狂電之淫裔

傅玄詩曰童女製電

夏侯孝若電賦曰摺雲間而飛火絳烟起於雲中

曹毗霖雨詩曰紫電光慵飛迅雷終天奔

顧愷之電賦曰天怒行凌雲赤光散

李顥詩曰黹音湛霸音允重雲陰碎稜震電咆作

太平御覽卷之十三

